

RUKNOVI (STUPOVI) IMANA

أركان الإيمان

Šta smo dužni naučiti da bismo bili musliman i muslimanka?

Da bismo bili musliman i muslimanka, dužni smo vjerovati u temeljne istine vjerovanja (imana).

Od čega se sastoji islamsko vjerovanje?

Islamsko vjerovanje sastoji se od šest temeljnih istina vjere ili šest imanskih ruknova.

Koje su temeljne istine vjere?

Temeljne istine vjere su:

- 1) AMENTU BILLAHI "Ja vjerujem u Allaha (Stvoritelja i Vladara svjetova)",
- 2) VE - MELAIKETIHI "u Allahove meleke (duhovna razumna bića)",
- 3) VE - KUTUBIHI "u Allahove kitabe (knjige objavljene nekim poslanicima)",
- 4) VE - RESULIHI "u Allahove poslanike (pejgambere)",
- 5) VEL - JEVMIL - AHIRI "u Posljednji dan (Sudnji dan)",
- 6) VE BIL - KADERI HAJRIHI VE ŠERRIHI MINELLAHI TE'ALA "i vjerujem da sve što se događa, biva s Allahovom voljom i određenjem".

Šta treba čvrsto vjerovati i znati napamet?

Čvrsto treba vjerovati i znati napamet šest temeljnih istina vjere, jer ko ne zna i ne vjeruje u svih šest istina vjere ne može biti musliman, odnosno muslimanka.

Kako se zovu temeljne istine vjere?

Temeljne istine vjere zovu se ruknovi (stupovi) imana, i vjerovanje je u njih uvjet da se bude musliman, odnosno muslimanka.

KO JE STVORIO SVE ŠTO POSTOJI?

- Allah, dž.š., Onaj je Koji je stvorio prostranu zemlju, visoke planine, uzburkana mora, Sunce koje daje svjetlost i liepo nebo koje je ukrasio zvijezdama.
- Allah, dž.š., stvorio je životinje različitih boja, oblika i ćudi. Raznolikost životinjskih vrsta je dokaz Allahove, dž.š., moći i ljepote Njegovog stvaranja.
- Allah, dž.š., Gospodar je (Rabb) svih stvorenja i On je Taj koji ih je stvorio iz ničega i usavršio njihov oblik